

# Per meglierar lur maletg

Hotelleriesuisse Grischun: Acziun «per plaschair disturbar»

DA GION NUTEGN STGIER / ANR

■ Per in di dervan 63 hotels da noss chantun lur portas per la publicitad. Vegl e giuven han quel di occasiun da guardar a directurs, cuschiniers, camariers e mattas da chombras sur ils givels. Cun quella acziun vulan ils hoteliers persvader tuts che la lavur en in hotel è multifara ed interessanta.

En il Grischun è la gastronomia ina da las pitgas fermas da l'economia e dal turissem. Tuttina cumbatta quella bransch adina puspè per ses maletg e quai cunzunt er tar la populaziun indigena. Vitiers vegn che blers renfatschan ch'il persunal saja betg uschè gentil sco per exempel en ils hotels en l'Austria ed en il Tiroi dal sid. Ina outra realitad è che mats e mattas prefereschan da far in auter emprendissadi che da cuschinier ubain da camariera. Cun l'acziun «per plaschair disturbar» vulan ils hoteliers grischuns mussar a geniturs e lur uffants che la lavur en in hotel è senz'auter multifara e schizunt plain tensiun. *Ernst Wyrsch*, il president da Hotelleriesuisse Grischun, ha ditg stersas a chaschun da la preschentaziun dal project «per plaschair disturbar» che tuts che lavuran en la gastronomia hajan bain ina professiun nua ch'i saja pussaivel da ve-



Han preschentà stersas a Cuira l'acziun speziala dals hoteliers grischuns: **Jürg Domenig, Claudia Züllig, Ursina Vollenweider, Leonie Liesch ed Ernst Wyrsch (da san.)**. FOTO G. N. STGIER

gnir en contact cun blera gliעד, dentant er da far blers plaschairs a vegl e giuven.

## Da l'hotel da tschintg stailas fin tar l'albiert per la giuventetgna

Ils 30 da mars 2014 da las 11.00 fin a las 17.00 dervan en Svizra 270 hotels lur portas per la populaziun indigena ed er per lur giasts. En il chantun Turig e Lucerna, sco er a Cuira e Lai, han ils hoteliers gi-

fatg plis giadas quella acziun e quai cun success. *Jürg Domenig*, il mainagestiu da Hotelleriesuisse Grischun, è sa mussà ventiraivel che 63 hotels grischuns sa participeschan a l'acziun naziunala. El sco er *Claudia Züllig*, ospitanta dal «Schweizerhof» a Lai, han er fatg attent als programs spezial da mintga hotel per quel di nua che tuts han occasiun da guardar davant e davos las culissas dad in hotel da tschintg

stailas sco il «Kulm» a San Murezzan ubain prender invista dal manaschi da l'albiert per la giuventetgna da Scuol. A l'acziun sa participeschan dal Grischun tschintg hotels da luxus, ditg auter da tschintg stailas, 23 chasas da quatter stailas, 18 hotels da trais stailas, in hotel cun ina staila, set hotels senza stailas e nov albierts per la giuventetgna.

## Er ina plattform per emprendists ed emploiads

Mintg'onn termineschan en noss chantun 300 mattas e mats lur emprendissadi fatg en in hotel ubain en in restaurant. Cun l'acziun «per plaschair disturbar» vulan ils iniziants ed ils hoteliers er dar als emprendists ed a las emprendistas ina plattform da vegnir pli manivel a giasts e visitaders. Ils giuvenils duajan en ina moda fitg persunala raquintar da lur aventuras en l'hotel ubain en lur emprendissadi. En la gronda part dals 63 hotels che avran per in di lur portas per ritg e pauper vegnan ils emprendists e las emprendistas ad esser ils protagonistes e las protagonistas per sis uras cun star en il center da l'occurrentza.

**Dapli da l'acziun cun ils nums dals hotels grischuns che sa participeschan a l'acziun chattais vus sin: [www.pleasedisturb.ch](http://www.pleasedisturb.ch)**